

重  
詳  
定  
刑  
統

重詳定刑統卷第二十六 雜律

**士四門** 律條三十四并疏令格敕條十七  
起請條一

坐贓

國忌私忌

私鑄錢

走車馬傷殺人 彈射傷殺人  
施槍作坑奔傷殺人

醫藥故誤傷殺人 丁匠防人疾  
病請給醫藥

受寄財物輒費用 公私債負  
官吏放債

錯認良人爲奴婢子孫

博戲賭財物

營造舍宅車服違令 侵巷街阡陌  
占固山野之利

犯夜

征行出使疾病身死

剩給傳送 不應入驛而入

諸色犯姦 良賤相姦所生男女

校斗秤不平 器物絹布行盜短狹 市價不平 器作斗秤 賣買不和而較固取者

買畜產不立市券

坐贓

諸坐贓致罪者一尺笞二十一匹加一等十匹徒一年

十匹加一等罪止徒三年 謂非監臨主司與者減五等

**疏議曰**

贓罪正名其數有六謂受財枉法不枉法受所監臨強盜竊盜并坐贓然坐贓者謂非監

臨主司因事受財而罪由此贓故名坐贓致罪犯者一尺笞二十一匹加一等十匹徒一年十匹加一等

罪止徒三年假如被人侵損備償之外因而受財之類兩和取與於法並違故與者減取人五等卽是彼此俱罪其

賊沒官

國忌私忌

諸國忌廢務日作樂者杖一百私忌減二等

**疏議曰**

國忌謂在令廢務日若輒有作樂者杖一百私家忌日作樂者減二等合杖八十

**准**唐大和七年二月二十三日敕准令國忌日唯禁

飲酒舉樂至於秤罰人吏都無明文但緣其日不合

釐

釋曰釐猶治也

務官曹卽不得決斷刑獄其小小笞責在

禮律固無所妨起今以後縱有此類臺府更不要舉

奏

私鑄錢

諸私鑄錢者流三千里作具已備未鑄者徒二年作具未備者杖一百若磨錯成錢令薄小取銅以求利者徒一年

**疏**諸私鑄錢者流三千里作具已備未鑄者徒二年作具未備者杖一百**議曰**私鑄錢者合流三千里其已周備而未鑄者徒二年若作具已備謂鑄錢作具並未堪鑄錢者杖一百若私鑄金銀等錢不通時用者不坐

又云若磨錯成錢令薄小取銅以求利者徒一年

**議曰**

時用之錢厚薄大小並依官樣輒有磨錯成錢令至薄小而取其銅以求利潤者徒一年

**准**刑部格敕私鑄錢及造意人及勾台頭首者並處絞仍先決杖一百從及居停主人加役流仍各先決

杖六十若家人共犯坐其家長若老弱殘疾不坐者則歸罪其以次家長其鑄錢處鄰保配徒一年里正坊正村正各決杖六十若有糾告者卽以所鑄錢毀破并銅物等賞糾人同犯自首告者免罪依例酬賞

**准**

唐長興二年三月十八日敕節文先降指揮諸道

州府不得使鐵鐵錢或陌內捉到一兩文所使錢數不計多少並納入官如有衷私鑄寫鐵鐵錢及將銅錢銷鑄別造物色捉獲勘鞫不虛並依格敕處斷

走車馬傷殺人

彈射傷殺人  
施槍作坑弄傷殺人

諸於城內街巷及人眾中無故走車馬者笞五十以故

殺傷人者減鬪殺傷一等

殺傷畜產者償所減價餘條  
稱減鬪殺傷一等者有殺傷

畜產並准此若有公私要速而走者不坐以故殺傷人者以

過失論其因驚駭不可禁止而殺傷人者減過失二等

**疏**諸於城內街巷及人眾中無故走車馬者答五十

以故殺傷人者減鬪殺傷一等注云殺傷畜產者償

所減價餘條稱減鬪殺傷一等者有殺傷畜產並准

此議曰有人於城內街衢巷衛之所若人眾之中眾

以走車馬唐突殺傷人者減鬪殺傷一等注云殺傷

畜產者償所減價餘條稱減鬪殺傷一等者有殺傷

畜產並准此謂下條向城及官私宅若道徑射放彈

及投瓦石施機槍作坑并殺傷人者減鬪殺傷一等

並償減價之類又云若有公私要速而走者不坐以故殺傷人者以

過失論其因驚駭不可禁止而殺傷人者減過失二

等議

公私要速者公謂公事要速及乘郵驛并奉

敕使之輩私謂吉凶疾病之類須求醫藥并

急追人而走車馬者不坐雖有公私要急而走車馬

因有殺傷人者並依過失收贖之法其因驚駭力不

能制而殺傷人者減過失二等聽贖其銅各入被傷

殺家若殺傷祖父父母並同名例律過失殺傷祖

父母父母法因驚駭不可禁

止得減二等者亦同減例

諸向城及官私宅若道徑射者杖六十放彈及投瓦石

者笞四十因而殺傷人者各減鬪殺傷一等若故令入

城及宅中殺傷人者各以鬪殺傷論至死者加役流

疏諸向城及官私宅若道徑射者杖六十放彈及投

瓦石者笞四十因而殺傷人者各減鬪殺傷一等

議

向城謂城中有人及官私宅亦謂宅中有人住若

道徑射者杖六十放彈及投瓦石者笞四十即因

射若彈及投瓦石而殺傷

人者各減鬪殺傷罪一等



又云若故令入城及宅中殺傷人者各以鬪殺傷論

至死者加役流

**議曰**

即射彈投瓦石之人故令箭等入城宅之中殺傷人者各以鬪

殺傷論尊卑長幼貴賤並同鬪殺傷之法准罪至死者加役流其有射及放彈投瓦石不向所親尊長并貴人之宅而非意殺傷者即依名例律本應重而犯時不知者得依凡論本應輕者聽從本

諸施機槍作坑葬者杖一百以故殺傷人者減鬪殺傷一等若有標幟者又減一等其深山迴澤及有猛獸犯暴之處而施作者聽仍立標幟不立者笞四十以故傷殺人者減鬪殺傷罪三等

**疏**

諸施機槍作坑葬者杖一百以故殺傷人者減鬪

殺傷一等若有標幟者又減一等

**議曰**

有人施機槍及穿坑葬不

在山澤疑捕禽獸者合杖一百以施槍等故而殺傷人者減鬪殺傷罪一等若於機槍坑葬之處而安標

幟欲使人知而人誤犯致死傷者又減一等謂總減  
關殺傷罪二等若不殺傷人從杖一百減一等各杖  
十九

又云其深山迴澤及有猛獸犯暴之處而施作者聽  
仍立標幟不立者答四十以故殺傷人者減關殺傷

罪三等

**議**

深山迴澤謂非人常行之所或雖非山

者不合得罪仍立標幟不立者答四十若立標幟  
而致殺傷人者減關殺傷罪三等若立標幟仍有殺  
傷此由行人自犯施  
機槍坑葬者不坐

醫藥故誤傷殺人

丁匠防人疾  
病請給醫藥

諸醫爲人合藥及題疏針刺誤不如本方殺人者徒二  
年半其故不如本方殺傷人者以故殺傷論雖不傷人  
杖六十卽賣藥不如本方殺傷人者亦如之

疏諸醫為人合藥及題疏針刺誤不如本方殺人者

徒二年半

**議曰**

醫師為人合和湯藥其藥有君臣分

針刺等錯誤不如本方者謂不如今古藥方及本草以故殺人者醫合徒二年半若殺傷親屬尊長得罪輕於過失者各依過失殺傷論其有殺不至徒二年半者亦從殺罪減三等假如誤不如本方殺舊奴婢徒二年減三等杖一百之類傷者各同過失法

又云其故不如本方殺傷人者以故殺傷論雖不傷

人杖六十即賣藥不如本方殺傷人者亦如之

**議曰**

其故不如本方謂故增減本方不依舊法殺傷人者以故殺傷論尊長卑幼貴賤並依故殺傷之律雖不傷人謂故不如本方於人無損猶杖六十於尊長及官人亦同毆而不傷之法即賣藥不如本方謂非指的為人療患尋常賣藥故不如本方雖未損人杖六十已有殺傷者亦依故殺傷法故云亦如之

諸丁匠在役及防人在防若官戶奴婢疾病主司不為

請給醫藥救療者答四十以故致死者徒一年

**疏議曰**

丁匠在作役之所防人在鎮守之處若官戶奴婢在本司上者而有疾病所管主司不為

請雖請而主醫藥官司不給闕於救療者答四十以故致死者謂不請給醫藥救療以故致死者各徒一年

受寄財物輒費用 公私債負 官吏放債

諸受寄財物而輒費用者坐贓論減一等詐言死失者

以詐欺取財物論減一等

**疏議曰**

受人寄付財物而輒私費用者坐贓論減一等

徒二年半詐言死失者謂六畜財物之類私費用而詐言死及失者以詐欺取財物論減一等謂一尺答

五十一匹加一等五匹

**問曰**

受人寄付財物實死失合償以否又監臨受寄詐言死失合得何罪

**答曰**

下條云亡失官私器物各備償被強盜者不償  
即失非強盜仍合償之以理死者不合備償非  
理死者准贖牧令合償減價若監臨主司受  
寄詐言死失者以詐欺取財物減一等科之

諸負債違契不償一匹以上違二十日答二十二十日  
加一等罪止杖六十三匹加二等百匹又加三等各  
令備償

**疏議曰**

負債者謂非出舉之物依令合理者或欠負  
公私財物乃違約乖期不償者一匹以上違  
二十日答二十二十日加一等罪止杖六十三匹  
加二等謂負三十匹物違二十日答四十百匹  
合杖八十百匹又加三等謂負百匹之物違契滿二  
十日杖七十百日不償合徒一年各令備償若更延  
日及經恩不償者皆依判  
斷及恩後之日科罪如初

諸負債不告官司而強牽財物過本契者坐贓論

**疏議曰**

謂公私債負違契不償應牽掣者皆告官司  
聽斷若不告官司而強牽掣財物若奴婢畜

產過本契者坐贓論若監臨官其所部交關強率過本契者計過利之物准於所部強市有利利之法

**雜**

令諸家長在

在謂三百里內非隔閡者

而子孫弟姪等不得

輒以奴婢六畜田宅及餘財物私自質舉及賣田宅無質而舉者亦准此其有質舉賣者皆得本司文牒然後聽之若不相本問違而輒與及買者物卽還主錢沒不追

新起請在弟十三典賣物業條內

又條諸公私以財物出舉者任依私契官不爲理每月取利不得過六分積日雖多不得過一倍若官物及公廩本利停訖每計過五十日不送盡者餘本生利如初不得更過一倍家資盡者役身折酬役通取戶內男口又不得迴利爲本

其放財物爲粟麥者亦不得迴利爲本及過一

倍若違法積利契外掣奪及非出息之債者官爲理收質者非對物主不得輒賣若計利過本不贖聽告市司對賣有剩還之如負債者逃保人代償

又條諸以粟麥出舉還爲粟麥者任依私契官不爲理仍以一年爲斷不得因舊本更令生利又不得迴利爲本

又條諸出舉兩情和同私契取利過正條者任人糾告本及利物並入糺人

**注**戶部格敕天下私舉質宜四分收利官本五分生利

又條敕州縣官寄附部人興易及部內放債等並宜

禁斷

臣等參詳今後監臨官於部內放債者請計利以受所監臨財物論過一百匹者奏取敕裁

**准**唐元和五年十一月六日敕節文應諸色人中身是卑幼不告家長私舉公私錢物等多有此色子弟凶惡徒黨因之交結便與作保舉諸司及形要家錢物同爲非道破用家有尊長都未知委及徵收本利舉者便東西保人等卽稱舉錢主見有家宅莊業請便收納喧訴相次實擾府縣今後如有此色舉錢無尊者同署文契推問得實其舉錢主在與不在其保人等並請先決二十其本利仍令均攤填納冀絕姦計



**准**唐長慶二年八月十五日敕節文或有祖父分析多時田園產業各別疏遠子弟行義無良妄舉官錢指爲舊業及徵納之際無物可還卽通狀請收稱未曾分析諸司諸使諸軍等不詳事由領人管領或依投無處轉徙至多事涉甚冤恐須釐革伏請應有此色並牒府縣推尋若房分多時妄有指注卽請散徵牙保代納官錢其所舉官錢妄指莊園等人及保人各決重杖二十縱屬諸軍諸使亦請准百姓例若是本分合得莊園卽任填還官債亦須府縣推勘取實如未經府縣推勘請不在收限

**准**唐長慶四年三月三日制節文契不分明爭端斯

起況年歲寢遠案驗無由莫能辯明祇取煩弊百姓所經臺府州縣論理遠年債負事在三十年以前而主保經逃亡無證據空有契書者一切不須爲理

**准**唐開成二年八月二日敕節文今後應有舉放又將產業等上契取錢並勒依官法不得五分以上生利如未辯計會其利止於一倍不得虛立倍契及計會未足抑令翻契迴利爲本如有違越一任取錢人經府縣陳論追勘得實其放錢人請決脊杖二十枷項令眾一月日如屬諸軍諸使亦准百姓例科處諸妄以良人爲奴婢用質債者各減自相賣罪三等知情而取者又減一等仍計庸以當債直

**疏議曰**

虛妄用良人為奴婢將質債者各減自相賣罪三等謂以凡人質債從流上減三等若以

親戚卑幼妄質債者各依本條減賣罪三等知情而

取謂知是良人而取為奴婢受質債者又減一等謂

又減質良人罪一等仍計庸以當債直謂計一日三

尺之庸累折酬其債直不知情者不坐亦不計庸以

折債直

錯認良人為奴婢子孫

諸錯認良人為奴婢者徒二年為部曲者減一等錯認

部曲為奴者杖一百錯認奴婢及財物者計贓一匹答

十五匹加一等罪止杖一百未得者各減二等

**疏**諸錯認良人為奴婢者徒二年為部曲者減一等

錯認部曲為奴者杖一百

**議曰**

良人之與奴婢種類

年為部曲者減一等徒一年半若錯認部曲為奴者

杖一百若部曲妻雖取良人女為亦依部曲之坐

又云錯認奴婢及財物者計贓一匹笞十五匹加一等罪止杖一百未得者各減二等

**議曰**錯認他人奴婢及財物者計贓一匹笞十五匹加一等罪止杖一百未得者各減二等謂從錯認良人以下未得者並減二等其錯認良人以下為子孫律既無文量情依不應為輕若錯認他人妻妾及女為己妻妾者情理俱重依不應為重科若已認得妻妾將去者多涉姦情即同姦法

博戲賭財物

諸博戲賭財物者各杖一百

舉博為例餘戲皆是贓重者各依已分准盜論

輸者亦依已分為從坐其停止主人及出玖若和合者各如之賭飲食者不坐

**疏**諸博戲賭財物者各杖一百注云舉博為例餘戲皆是又云贓重者各依已分准盜論注云輸者亦依

已分爲從坐

**議曰**

共爲博戲而賭財物不滿五匹以

皆是謂舉博爲名總爲雜戲之例弓射既習武藝雖

賭物亦無罪名餘戲計賊得罪重於杖一百者各依

已分准盜論謂賭得五匹之物合徒一年注云輸者

亦依已分爲從坐謂輸五匹之物合徒一年從坐合

杖一百賊多者各准盜法加罪若贏眾人之物亦須

累而倍論輸眾人物者依已分倍爲從坐若倍不重

從一人之重斷

又云其停止主人及出玖若和合者各如之賭飲食

者不坐

**議曰**

停止主人謂停止博戲賭物者主人及

若和合人令戲者不得財杖一百若得利入己並計

贓准盜論眾人以上得者亦准上例倍論故云各如之

賭飲食者不坐謂即雖賭錢

盡用爲飲食者亦不合罪

營造舍宅車服違令

侵巷街阡陌

諸營造舍宅車服器物及墳塋石獸之屬於令有違者

杖一百雖會赦皆令改去之墳則其物可賣者聽賣若不改經赦後百日不改去及不賣者論如律

**疏**諸營造舍宅車服器物及墳塋石獸之屬於令有

違者杖一百雖會赦皆令改去之注云墳則不改

**曰**營造舍宅者依營造繕令王公已下凡有舍屋不得施重棋藻井車者儀制令一品青油纁通廳虛偃服者

衣服令一品袞冕二品鷩冕器物者一品方九十步墳高一丈八尺石獸者三品以上六五品以上四此等之類具在令文若有違者各杖一百雖會赦皆令除去唯墳不改稱之屬者碑碣等是麟蚩斷獄錄若有犯者並同此坐

又云其物可賣者聽賣若經赦後百日不改去及不

賣者論如律**議**曰舍宅以下違犯制度堪賣者須賣

改及不賣者還杖一百故云論如律

諸侵巷街阡陌者杖七十若種植墾食者笞五十各令復故雖種植無所妨廢者不坐其穿垣出穢汙者杖六十出水者勿論主司不禁與同罪

**疏**諸侵巷街阡陌者杖七十若種植墾食者笞五十

各令復故雖種植無所妨廢者不坐

**議曰**

侵巷街阡

之所若許私侵便有所廢故杖七十若種植墾食謂於巷街阡陌種物及墾食者笞五十各令依舊若巷陌寬闊雖有種植無所妨廢者不坐

又云其穿垣出穢汚者杖六十出水者勿論主司不

禁與同罪

**議曰**

其有穿穴垣牆以出穢汚之物於街巷杖六十直出水者無罪主司不禁

與同罪謂侵巷街以下主司並合禁約不禁者與犯罪人同坐

諸占固山野陂湖之利者杖六十

**疏議曰**

山澤陂湖物產所植所有利潤與眾共之  
其有占固者杖六十已施叻取者不追

犯夜

諸犯夜者笞二十有故者不坐

開門鼓後開門鼓前行者皆為犯夜故謂公事

急速及吉凶疾病之類

其直宿坊街若應聽行而不聽及不應聽

行而聽者笞三十即所直時有賊盜經過而不覺者笞

五十

**疏**

諸犯夜者笞二十有故者不坐注云開門鼓後開

門鼓前行者皆為犯夜故謂公事急速及吉凶疾病

之類

**議曰**

宮衛令五更三籌正衙門擊鼓四百擬訖開門後更擊

六百擬坊門皆閉禁人行違者笞二十故注云開門

鼓後開門鼓前行者皆為犯夜故謂公事急速但

公家之事須行及私家吉凶疾病之類皆須得本縣

或本坊文牒然始台行若不得公驗雖復無罪街鋪



之人不合許過既云閉門鼓後開門鼓前禁行明禁出坊外者若坊內行者不拘此律

又云其直宿坊街若應聽行而不聽及不應聽行而

聽者答三十卽所直時有賊盜經過而不覺者答五

**十議曰**

謂諸坊應閉之門諸街守衛之所有當直宿

者不覺答五十若覺而聽行自當主司故縱之罪

**准**唐至德二載正月十二日敕自今後犯夜人其有

品命者奏聽進止自餘一切准式科決

征行出使疾病身死

諸從征及從行公使於所在身死依令應送還本鄉違而不送者杖一百若傷病而醫食有闕者杖六十因而致死者徒一年卽卒官家無手力不能勝致者仰部送

還鄉違而不送者亦杖一百

**疏**諸從征及從行公使於所在身死依令應送還本鄉違而不送者杖一百若傷病而醫食有闕者杖六

十因而致死者徒一年

**疏**從征謂從軍征討及從

宮行並公事充使於所在身死依令應送還本鄉者軍防令征行衛士以上身死行軍具錄隨身資財及屍付本府人將還無本府人者付隨近州縣遞送喪葬令使人所在身喪皆給殯殮調度遞送至家從行准兵部式從行身死折衝贈物三十段果毅二十段別將十段並造靈輿遞送還府隊副以上各給絹兩匹衛士給絹一匹充殯殮衣仍並給棺令遞送還家自餘無別文者即同公使之例應送不送者各杖一百若傷病謂征行人等或病或傷須醫藥救療飲食供給而醫食有闕者杖六十因而致死謂以醫食不如法致死者徒一年

又云即卒官家無手力不能勝致者仰部送還鄉違

而不送者亦杖一百

**議曰**

官人在任以理身死家道

運致以還故鄉者卒官之所部送還鄉稱部送者差人部領遞送還鄉依令去官家口累弱尙得送還況乃身亡明須准給手力部送還而不送者亦杖一百

剩給傳送

不應入驛而入

諸應給傳送而限外剩取者答四十計庸重者坐贓論罪止徒二年若不應給而取者加罪二等強取者各加一等主司給與者各與同罪

**疏**

諸應給傳送而限外剩取者答四十計庸重者坐

贓論罪止徒二年

**議曰**

應給傳送依既牧令官爵一

品以上給馬六匹三品以下各有等差若過令限數外剩取者答四十計庸重者坐贓論馬庸一日爲絹三尺坐贓一尺答二十一匹加一等三匹一尺答五十卽是得罪重於答四十須從坐贓論計庸罪止徒

二年

又云若不應給而取者加罪二等強取者各加一等

主司給與者各與同罪

**議曰**

上文並據應給而取者謂

本無傳送之理而取之加二等謂賊輕者杖六十賊重者加坐賊三等謂應得傳送而利強取者答五十賊重者於坐賊上加一等不應給傳送而強取者杖七十賊重者坐賊上加三等是各加一等主司給與者各與同罪稱各者強取而主司給與亦與強者罪同

諸不應入驛而入者答四十輒受供給者杖一百計賊

重者准盜論雖應入驛不合受供給而受者罪亦如之

**疏議曰**

不應入驛而入者答四十雜令私行人職事

驛止宿者聽之邊遠及無村店之處九品以上欲投五品以上及爵遇屯驛止宿亦聽並不得輒受供給謂私行人不應入驛而入者答四十輒受供給准賊雖少皆杖一百計賊得罪重於杖一百者准盜論雖

應入驛准令不合受供給而受亦與不應入驛人同罪強者各加二等

諸色犯姦

良賤相姦所生男女

諸姦者徒一年半有夫者徒二年部曲雜戶官戶姦良

人者各加一等即姦官私婢者杖九十

奴姦婢亦同

姦他人

部曲妻雜戶官戶婦女者杖一百強者各加一等折傷

者各加鬪折傷罪一等

**疏**諸姦者徒一年半有夫者徒二年部曲雜戶官戶

姦良人者各加一等即姦官私婢者杖九十注云奴

姦婢亦同

**議曰**

和姦者男女各徒一年半有夫者徒二年妻妾罪等部曲雜戶官戶而姦

良人者並加良人相姦罪一等即良人姦官私婢者杖九十注云奴姦婢亦同杖九十

又云姦他人部曲妻雜戶官戶婦女者杖一百強者

各加一等折傷者各加鬪折傷罪一等

**議曰**

姦他人部曲妻

明姦已家部曲妻及客女各不坐若姦雜戶官戶婦

女者杖一百強者加一等自姦良人以下各加鬪折傷一等

謂良人從凡鬪上加官戶雜戶他人部曲妻官私奴

婢各從本鬪罪上加與強姦為二罪從重而科

諸姦總麻以上親及總麻以上親之妻若妻前夫之女

及同母異父姊妹者徒三年強者流二千里折傷者絞

妾減一等

**疏議曰**

姦總麻以上親謂內外有服者及總麻以上親之妻亦謂有服者妻若妻前夫之女謂妻

前家所生者各徒三年強者流二千里因強姦而折

傷者絞得罪已重故妾減一等謂減妻罪一等其於

賤罪與妾同注云餘條姦妾准此謂餘條五服內及

主之總麻以上親直有姦名而無妾罪者並准此條

減妻一等其奴及部曲姦主之妾及主周親之妾亦從減一等之例

諸姦從祖祖母姑從祖伯叔母姑從父姊妹從母及兄弟妻兄弟子妻者流二千里強者絞

**疏議曰**

從祖祖母姑謂祖之兄弟妻若祖之姊妹從

妹從父姊妹謂已之堂姊妹從母謂母之姊妹及兄弟之妻兄弟子妻與之姦者並流二千里強者絞

諸姦父祖妾

謂曾經有父祖子者

伯叔母姑姊妹子孫之婦兄弟

之女者絞即姦父祖所幸婢減二等

**疏議曰**

姦父祖妾即曾高妾亦同注云謂曾經有父祖子者其無子者即准上文妾減一等姦伯

叔母姑姊妹子孫婦曾玄孫婦亦同兄弟之子女者絞即姦父祖所幸婢減二等合徒三年不限有子無子

並同得罪

**問曰**

父祖之妾曾經有子父祖亡歿改嫁餘人而子孫姦之得同凡姦以否

**答曰**

婦人尊卑緣夫立制子孫於父祖之妾在禮全無服紀父祖亡歿改適他人子孫姦者理同凡

姦之法律有曾為袒免親妻妾而嫁娶者別立罪名至於和姦律無加罪

諸奴姦良人者徒二年半强者流折傷者絞其部曲及奴姦主及主之周親若周親之妻者絞婦女減一等强者斬即姦主之總麻以上親及總麻以上親之妻者流强者絞

**疏**諸奴姦良人者徒二年半强者流折傷者絞

**議曰**奴姦良人婦女徒二年半强者流折傷者絞雖有夫亦同折傷謂因姦折傷者

又云其部曲及奴姦主及主之周親若周親之妻者絞婦女減一等强者斬即姦主之總麻以上親及總

麻以上親之妻者流强者絞

**議曰**

其部曲及奴和姦主及姦主之周親

若周親之妻部曲及奴合姦婦女減一等强者斬謂奴等合斬婦女不坐即姦主之總麻以上親及總麻



以上親之妻者流婦女合流二千里強者杖等絞若  
姦妾者自主以下准上例並減妻一等即妾子見為  
家主其母亦與子  
不殊雖出亦同

諸和姦本條無婦女罪名者與男子同強者婦女不坐  
其媒合姦通減姦者罪一等罪名不同者從重減

**疏議曰**

和姦謂彼此和同者本條無婦女罪名與男

姦不立婦人罪名良人婦女亦徒二年半之類並與  
男子同強者婦女不坐謂上條姦主周親強者斬既  
無婦女罪名其婦女不坐但是強姦者婦女皆悉無  
罪其媒合姦通之人減姦罪一等假如和姦者徒一  
年半媒合者徒一年之類注云罪名不同從重減假  
有俗人媒合姦女冠男子徒一年半女冠徒二年半  
媒合姦通者猶徒二  
年之類是為從重減

諸監臨主守於所監守內姦者

謂犯良人

加姦罪一等即居

父母及夫喪若道士女冠姦者各又加一等婦女以凡

姦論

**疏議圖**

監臨主守之人於所監守內姦良人加凡姦

年姦有夫婦女徒二年半即居父母喪無夫婦女徒二

者妻妾同若道士女冠僧尼同姦者各又加監臨姦

一等即加凡姦罪二等故云各又加一等假有監臨

主守若道士及僧並男子在父母喪及女冠尼姦者並

姦論即女居父母喪婦人居夫喪及女冠尼姦者並

加姦罪二等男子亦以凡姦論其有尊卑及貴賤者

各從本

法加罪

**准**戶令諸良人相姦所生男女隨父若姦雜戶官戶

他人部曲妻客女及官私婢並同類相姦所生男女

並隨母即雜戶官戶部曲姦良人者所生男女各聽

為良其部曲及奴姦主總麻以上親之妻者若奴姦

良人者所生男女各合沒官

卷二十二  
**准**周廣順三年二月三日敕節文應有夫婦人被強姦者男子決殺婦人不坐罪其犯和姦及諸色犯姦並准律處分

**准**周顯德二年五月七日敕節文今後僧尼中有犯盜竊姦私賭錢物醉及蠱害欺詐等罪並依法科刑仍勒還俗罪至死者准法處分本寺三綱知事僧尼知而不糾舉者等第科斷

校斗秤不平器物絹布行濫短狹市價不平私作斗秤賣買不和而較固取者買畜產不立市券諸校斛斗秤度不平杖七十監校者不覺減一等知情與同罪

**疏議曰**

校斛斗秤度依關市令每年八月詣太府寺平校不在京者詣所在州縣官校並印署然

後聽用其校法雜令量以北方秬黍中者容一千二百為鎰十鎰為合十合為升十升為斗三斗為大斗一斗十斗為斛秤權衡以秬黍中者百黍之重為鎰二十四鎰為兩三兩為大兩一兩十六兩為斤度以秬黍中者一黍之廣為分寸十分為寸十寸為尺二寸為大尺一尺十尺為丈有校勘不平者杖七十監校官司不覺減校者罪一等合杖六十知情與同罪

諸造器用之物及絹布之屬有行濫短狹而賣者各杖六十不牢謂之行不真謂之濫即造得利賊重者計利橫刀及箭鏃用柔鐵者亦為濫准盜論販賣者亦如之市及州縣官司知情各與同罪不覺者減二等

**疏**諸造器用之物及絹布之屬有行濫短狹而賣者各杖六十注云不牢謂之行不真謂之濫即造橫刀及箭鏃用柔鐵者亦為濫

**議曰**凡造器用之物謂供公私用及絹布綾綺

之屬行盜謂器用之物不牢不真短狹謂絹匹不充四十尺布端不滿五十尺幅闊不充一尺八寸之屬而賣各杖六十故禮云物勒工名以考其誠功有不當必行其罪其行盜之物沒官短狹之物還主又云得利賊重者計利准盜論販賣者亦如之市及州縣官司知情各與同罪不覺者減二等

**議**

得利賊重

者謂賣行盜短狹等物計本之外剩得利者計賊重於杖六十者准盜論謂准盜罪一尺杖六十匹加一等計得利一匹一尺以上即從重科計賊累而倍併販賣者亦如之謂不自造作轉買而賣求利得罪並同自造之者市及州縣官司知行濫情各與造賣者同罪檢察不覺者減二等官司知情及不覺物主既別各須累而倍論其州縣官不管市不坐

諸市司評物價不平者計所貴賤坐賊論入已者以盜論其為罪人評賊不實致罪有出入者以出入人罪論

**疏**

謂公私市易若官司造評物價或貴或賤令價不平計所加減之價坐賊論入已者謂因

評物價令有貴賤而得財物入己者以盜論並依真盜除免倍贓之法其為罪人評贓不實亦謂增減其價致罪有出入者假有評盜贓應直上絹五匹乃加作十匹應直十匹減作五匹是出入半年徒罪市司還得半年徒坐故云以出入人罪論若應直五匹評作九匹或直九匹評作五匹於罪既無加減止從賤賤不實坐贓之法

諸私作斛斗秤度不平而在市執用者答五十因有增減者計所增減准盜論即用斛斗秤度出入官物而不平令有增減者坐贓論入己者以盜論其在市用斛斗秤度雖平而不經官司印者答四十

**疏**諸私作斛斗秤度不平而在市執用者答五十因有增減者計所增減准盜論依令斛斗秤度等署充用其有私家自作致有不平而在市執用者答五十因有增減贓重者計所增減准盜論

又云卽用斛斗秤度出入官物而不平令有增減者  
坐贓論入己者以盜論其在市用斛斗秤度雖平而  
不經官司印者笞四十卽用斛斗秤度出入官物增減不平計所增減  
坐贓論入己者以盜論因其增減得物入己以盜論  
除免倍贓依上例其在市用斛斗秤度雖平謂校勘  
訖而不經官司印者笞四十

諸賣買不和而較固取者

較謂專略其利固謂障固其市

及更出開閉

其限一價

謂賣物以賤爲貴買物以貴爲賤

若參市

謂人有所賣買在旁高下其價以相

惑而規自入者杖八十已得贓重者計利准盜論

**疏**諸賣買不和而較固取者注云較謂專略其利固

謂障固其市又云及更出開閉其限一價注云謂賣

物以賤爲貴買物以貴爲賤

賣物及買物人兩不和同而較固取

者謂強執而市不許外人買故注云較謂專略其利  
固謂障固其市及更出開閉謂販鬻之徒共爲姦計  
自賣物者以賤爲貴買人物者以貴爲賤更出開  
閉之言其物共限一價望使前人迷謬以將入己  
又云若參市注云謂人有所賣買在旁高下其價以

相惑亂又云而規自入者杖八十已得贓重者計利

准盜論

**議曰**

參市謂負販之徒共相表裏參合貴賤

高下其價以相惑亂而規賣買之利入己者並杖八  
十已得利物計贓重於杖八十者計利准盜論謂得  
三匹一尺以上合杖九十是名贓  
重其贓既准盜利卽合徵還本主

諸買奴婢馬牛馳騾驢已過價不立市券過三日答三  
十賣者減一等立券之後有舊病者三日內聽悔無病  
欺者市如法違者答四十卽賣買已訖而市司不時過  
券者一日答三十一日加一等罪止杖一百



**疏**諸買奴婢馬牛駝驘驢已過價不立市券過三日  
笞三十賣者減一等立券之後有舊病者三日內聽  
悔無病欺者市如法違者笞四十  
**議曰**買奴婢馬牛  
令並立市券兩和市賣已過價訖若不立券過三日  
買者笞三十賣者減一等若立券之後有舊病而買  
時不知立券後始知者三日內聽悔三日外無疾病  
故相欺罔而欲悔者市如法違者笞四十若有病欺  
不受悔者亦笞四十令無  
私契之文不准私券之限

又云卽賣買已訖而市司不時過券者一日笞三十  
一日加一等罪止杖一百  
**議曰**賣買奴婢及牛馬之  
類過價已訖市司當  
時不卽出券者一日笞三十所由官司依公坐節級  
得罪黜削繩愆其挾私者以首從論一日加一等罪  
止杖一百

車詳定刑統卷第二十六

重詳定刑統卷第二十七

雜律

門

律條二十八并疏令式敕條八  
起請條二

市眾中故相驚動

不修隄防

盜決隄防

官船私載物

行船茹船不如法

失火

倉庫內不得然火  
非時燒田野故燒公  
私舍宅蠶簇五穀財物積聚見火不告不救  
水火有所損敗

棄毀大祀神御物及壇

棄毀寶符節印制書

私發官文書印封

主守官物亡失簿書

食官私瓜果

棄毀官私器物樹木毀人碑

停留軍器不輸棄毀亡失備償

地內得宿藏物得闕遺物

違令及不應得爲而爲

市眾中故相驚動

諸在市及人眾中故相驚動令擾亂者杖八十以故殺傷人者減故殺傷一等因失財物者坐贓論其誤驚殺傷人者從過失法

**疏議** 有人任市內及眾聚之處故相驚動謂誑言

際而失財物坐贓論如是眾人之物累併倍論併倍不加重於一人失財物者即從重論因其擾亂而殺傷人者減故殺傷一等驚人致死減一等疏三里折一支減一等徒三年之類其有誤驚因而殺傷人

者從過失法收贖  
銅入破傷殺之家

不修隄防盜決隄防

諸不修隄防及修而失時者主司杖七十毀害人家漂  
失財物者坐贓論減五等以故殺傷人者減鬪殺傷罪  
三等謂水流漂害於人即人自涉而死者非即水雨過常非人力所防者  
勿論其津濟之處應造橋航及應置船棧而不造置及  
擅移橋濟者杖七十停廢行人者杖一百

**疏**諸不修隄防及修而失時者主司杖七十毀害人  
家漂失財物者坐贓論減五等以故殺傷人者減鬪  
殺傷罪三等注云謂水流漂害於人即人自涉而死  
者非又云即水雨過常非人力所防者勿論

**疏**曰依營

繕令近河及大水有隄防之處刺史縣令以時檢校  
若須修理每秋收訖量功多少差人夫修理若暴水  
汎溢損壞隄防交爲人患者先卽修營不拘時限若  
有損壞當時不卽修補或修而失時者主司杖七十  
毀害人家謂因不修補及修而失時爲水毀害人  
漂失財物者坐贓論減五等謂失十匹杖六十罪止  
杖一百若失眾人之物亦合倍論以故殺傷人者減  
關殺傷罪三等謂殺人者徒二年半折一支者徒一  
年半之類注云謂水流漂害於人謂由不修理隄防  
而損害人家及行旅被水漂溺而致死傷者卽人自  
涉而死者非人力所防者無罪

又云其津濟之處應造橋航及應置船棧而不造置  
及擅移橋濟者杖十十停廢行人者杖一百謂因津  
之處應造橋航謂河津濟渡之處應造橋及航者編  
舟作棧及應置舟船及須以竹木爲棧以渡行人而  
不造置及擅移橋梁濟渡之所者各杖七十停廢行  
人謂不造橋航及不置船棧並擅移橋濟停廢行人  
者杖一百

諸盜決隄防者杖一百謂盜水以供私用若爲官檢校雖供官用亦是若毀害人家及漂失財物賊重者坐賊論以故殺傷人者減闕殺傷罪一等若通水入人家致毀害者亦如之其故決隄防者徒三年漂失賊重者准盜論以故殺傷人者以故殺傷論

**論**諸盜決隄防者杖一百注云謂盜水以供私用若爲官檢校雖供官用亦是又云若毀害人家及漂失財物賊重者坐賊論以故殺傷人者減闕殺傷罪一等若通水入人家致毀害者亦如之**議曰**隄防取人盜決供用無問公私各杖一百故注云謂盜水以供私用若爲官檢校雖供官用亦同水若爲官即公坐若毀害人家謂因盜水汎溢以害人家漂失財物計賊罪重於杖一百者即計所失財物坐賊論謂十匹徒

一年十匹加一等以故殺傷人謂以決水之故殺傷者減闕殺傷罪一等若通水入人家致毀害殺傷者一同盜決之罪故云亦如之

又云其故決隄防者徒三年漂失贓重者准盜論以故殺傷人者以故殺傷論議曰上文盜水因有殺傷非因盜水或挾嫌隙或恐水漂流自損之類而故決之者徒三年漂失之贓重於徒三年謂漂失人三十匹賊者准盜論合流二千里若失眾人之物亦合倍論以決隄防之故而殺傷人者以故殺傷論謂殺人者合斬折人一支流二千里之類上例殺傷人減闕殺傷罪一等有殺傷畜產償減價餘條准此今以故殺傷論其殺傷畜產明償減價下條水火損敗故犯者徵償

臣等參詳今後盜決隄防致漂溺殺人或衝注卻舍屋田苗積聚之物害及一十家以上者頭首處死從減一等溺殺三人或害及百家上者

以元謀人及同行入並處死如是盜決水小隄  
堰不足以害眾及被驅率者准律處分

官船私載物

行船茹船不如法

諸應乘官船者聽載衣糧二百斤違限私載若受寄及  
寄之者五十斤及一人各笞五十一百斤及二人各杖  
一百但載卽坐若家人隨從者勿論每一百斤及二人各加一等罪止  
徒二年從軍征討者各加二等監當主司知而聽之與  
同罪空船者不用此律

**疏**諸應乘官船者聽載衣糧二百斤違限私載若受  
寄及寄之者五十斤及一人各笞五十一百斤及二  
人各杖一百注云但載卽坐若家人隨從者勿論又



云每一百斤及二人各加一等罪止徒二年議曰應

官船之人聽載隨身衣糧二百斤若二百斤外更載

若受人寄物及寄物之人各杖一百稱各者謂人之與

將家人隨從者皆不限所載遠近故注云但載即坐若

又云從軍征討者各加二等監當主司知而聽之與

同罪空船者不用此律議曰從軍征討者謂以船轉

受寄及寄之者各加二等謂五十斤及一人各杖七

加一等罪止徒三年監當主司知而聽之謂監船官

罪若是空船雖私載受寄者准行程

諸船人行船茹船寫漏安標宿止不如法者若船棧應

迴避而不迴避者答五十以故損失官私財物者坐贓

論減五等殺傷人者減鬪殺傷三等其於湍磧尤難之處致有損害者又減二等監當主司各加一等卒遇風浪者勿論

**論**諸船人行船茹船寫漏安標宿止不如法者若船棧應迴避而不迴避者笞五十以故損失官私財物

者坐賊論減五等殺傷人者減鬪殺傷三等

**論**人船

謂公私行船之人茹船謂茹塞船縫寫漏謂寫去漏水安標宿止謂行船宿泊之所須在浦島之內仍即安標使來者候望違者是不如法若船棧應迴避者或沿河相逢螺和船或在不洲與險處不相迴避覆溺者多須准行船之法各相迴避若湍磧之處即沂上者避沿流之類違者各笞五十以不如寫迴避之故損失官私財物者坐賊論減五等謂十匹杖六

三等殺人者徒二年半折

人一支者徒一年半之類

又云其於湍磧尤難之處致有損害者又減二等監

當主司各減一等卒遇風浪者勿論湍水為湍磧石為磧

謂湍磧險難之所其有損失財物或殺傷人者又減

二等謂失財物於坐賊上減七等殺傷人者減關殺

傷五等監當主司各減一等謂各減行船人罪一等

卒遇暴風巨浪而損失財物及殺傷人者並不坐

失火倉庫內不得然火非時燒田野故燒公私舍

諸於山陵兆域內失火者徒二年延燒林木者流二千

里殺傷人者減關殺傷一等其在外失火而延燒者各

減一等失火准此

**疏議曰**山陵前已釋訖兆域者鄧展云除地為塋將

卜其宅兆而安厝之然山陵兆域之所皆有宿衛之

人而於此內失火者徒二年延燒兆域內林木者流

二千里殺傷人者減關殺傷一等其在外失火謂於

燒北城內徒二年上減一等若延燒林木者流二千里上減一等注云餘條在外失火准此餘條謂車藏以下諸條回在外失火延燒者各減於內失火一等

諸庫藏及倉內皆不得然火違者徒一年

**疏議曰**

凡官庫藏及敖倉內有舍者皆不得然火違者徒一年

諸失火及非時燒田野者笞五十

非時謂二月一日以後十月三十日以前

若鄉土異宜者依鄉法

延燒人舍宅及財物者杖八十賊重者坐

贓論減三等殺傷人者減鬪殺傷二等其行道然火不

減而致延燒者各減一等

**疏**

諸失火及非時燒田野者笞五十注云非時謂二

月一日以後十月三十日以前若鄉土異宜者依鄉

法又云延燒人舍宅及財物者杖八十賊重者坐贓

論減二等殺傷人者減鬪殺傷二等議曰

議曰

失火謂失  
火有所燒

論減三等殺傷人者減鬪殺傷二等議曰失火謂失火有所燒及不依令文節制而非時燒田野者笞五十其於當家之內失火者皆罪失火之人注云非時謂二月一日以後十月三十日以前若鄉土異宜者依鄉法謂北地霜早南土晚寒風土亦既異宜各須收穫總了放火時節不可一准令文故云各依鄉法延燒人舍宅及財物者各杖八十議曰重者謂計賊得罪重於杖八十坐賊論減三等准賊二十匹以上即從賊科殺傷人者減鬪殺傷罪二等謂燒殺人者失火及燒田之人減死二等合徒三年不合償死者從本殺傷罪減其贓若損眾家之物者併累亦倍論

又云其行道然火不滅而致延燒者各減一等議曰

人在行路之上或須然火事了發去皆須滅之若不撲滅而致延燒他人林木舍宅財物或殺傷人者各減上文罪一等謂延燒賊少者杖八十上減一等議曰

重者坐贓上減四等罪止徒一年殺傷人者減鬪殺傷三等故云

各減一等

又云其行道然火不滅而致延燒者各減一等

議

人在行路之上或須然火事了發去皆須滅之若不撲滅而致延燒他人林木舍宅財物或殺傷人者各減上文罪一等謂延燒賊少者杖八十上減一等賊重者坐贓上減四等罪止徒一年殺傷人者減鬪殺傷三等故云各減一等

各減一等

**准**戶部式諸荒田有桑棗之處皆不得放火

諸於官府廨院及倉庫內失火者徒二年在宮內加二

等廟社內損害賊重者坐贓論殺傷人者減關殺傷一

等延燒廟及宮闕者絞社減一等

**疏議曰**

若有人於內外官府公廨院宇之中及倉庫

外有禁門其內並是若失火者徒三年注云廟社內亦同謂於宗廟及太社院內失火亦徒三年注云廟社內重者謂因失火延燒有所損害財物計贓重於徒二年者即准坐贓科之謂燒官府廨內財物計贓五十匹合徒三年若因火有殺傷人者減關殺傷罪一等謂殺人者流三千里傷人折二支徒三年若殺傷畜產不合從上條稱減關殺傷一等償減價自從水火損敗誤失不償延燒廟及宮闕者絞社減一等流三

里千

諸故燒官府廨舍及私家舍宅若財物者徒三年贓滿

五匹流二千里十匹絞殺傷人者以故殺傷論

**疏議曰**

凡官府廨宇及私家舍宅無問舍宇大小並及財物多少但故燒者徒三年計贓滿五匹流二千里贓滿十匹者絞殺傷人者以故殺傷論謂因放火而殺人者斬傷人折一支者流二千里之類若對主故燒非積聚延燒之物只同棄毀人財物論

**准**

唐元和三年五月四日敕失火燒楮子及屋一間

兩間並柴草等不至驚動者請不科責燒屋三間以上及燒鄰家失火人常行杖當處決十五放其合受科決人如有品秩及應官請決家人如百姓老小家人病患小弱不堪科決并品秩及應官無家人作人者並請量事科罰或讎嫌潛肆燒爇有情狀巨蠹推問得實所燒舍屋不限多少請決痛杖一頓處死第十  
九亦有故燒人  
屋舍財物條

臣等參詳今後有故燒人屋舍蠶簇及五穀財物積聚者首處死隨從者決脊杖二十

諸見火起應告不告應救不救減失火罪二等謂從本失罪減

其守衛宮殿倉庫及掌囚者皆不得離所守救火違者

杖一百

**疏議曰**

見火起燒公私廨宇舍宅財物者並須告見在及鄰近之人共救若不告不救減失火罪

二等謂若於官府廨宇內及倉庫從徒二年上減二等合徒一年若於宮及廟社內從徒三年上減二等

徒二年若於私家從笞五十上減二等笞三十故注云從本失罪減明即不從延燒減之其守衛宮殿倉

庫及掌囚者雖見火起並不離所守救火違者杖一百雖見火起不告亦不合罪

諸水火有所損敗故犯者徵償誤失者不償

**疏議曰**

水火有所損敗謂上諸條稱水火損敗得罪之處故犯者徵償若故決隄防通水入人家



若故燒官府廨舍及私家舍宅財物有所損敗之類  
各徵償其稱失火之處及不修隄防而致損害之類  
各不  
償

棄毀大祀神御物及工壇棄毀寶符  
節印制書

諸棄毀大祀神御之物若御寶乘輿服御物及非服而  
御者各以盜論亡失及誤毀者准盜論減二等

**疏議曰**

棄毀大祀神御之物祠令天地宗廟神州等

帝入寶太皇太后皇太后皇后寶以稱御者三后亦  
同乘輿服御物謂皇帝服御之物及非服而御謂帷  
帳几杖之屬非服而供御者以上義名例及職制並  
具釋訖有棄毀者各以盜論盜律盜大祀神御之物  
乘輿服御物者流二千五百里非服而御之物徒一  
年半賊重者計贓各加凡盜一等盜御寶者絞稱以  
盜論者與真盜同入十惡非服而御之物等不入十  
惡據盜律其擬供神御及供而廢闕若饗薦之具已  
饌星者徒二年未饌星者徒一年半又盜御寶條擬  
供服御等亦並徒二年今此條上言棄毀大祀下稱

非服而御以盜論准非服而御徒一年半舉下明上  
即棄毀擬供服御准罪徒一年半以上亦各以盜論  
亡失及誤毀者准盜論減二等並各從准盜罪上減  
二等准盜論不在除免倍贓監主加罪加役流之例  
棄毀中祀神御之物減二等中祀以下不入十惡  
神御之物又減二等中祀以下不入十惡

諸大祀正壇將行事有守衛而毀者流二千里非行事  
日徒一年墮門各減二等

**疏議曰**

大祀正壇謂祀天於圓正祭地於方正五時

各有守衛此時有損壞正壇者流二千里非行事日  
謂非祭祀之日而毀者徒一年墮門各減二等墮門  
謂正壇之外擁土為門毀墮門者將行事之日徒二  
年半非行事日杖九十故云各減二等毀中小祀各  
遞減二等

諸棄毀符節印及門鑰者各准盜論亡失及誤毀者各  
減二等

**疏議曰**

棄毀符節印及門鑰者各准盜法論罪盜律

皇城京城門符徒三年餘符徒一年門鑰各減三等

盜官文書印徒二年餘印杖一百其亡失符節印以下誤毀者各減二等

諸棄毀制書及官文書者准盜論亡失及誤毀者各減

二等事毀須失文字若欲動其誤毀失符移解牒者杖六

十謂未入所司而有本案者

**疏議曰**

棄毀制書棄毀不相須毀者須失文字制書

符移解牒之類准盜論謂各准盜法得罪盜律盜制

書者徒二年官文書杖一百亡失謂不覺遺落及被

盜誤毀謂誤致毀損破失文字各減二等故注云毀

須失文字謂制敕奏鈔徒一年官文書杖八十若盜

毀欲動事者自從增減法制敕及奏鈔合死官文書

即依詐偽律詐為官文書及增減法主司自有所避

即從違式造立科罪杖罪以下杖一百徒罪以上加

一等誤毀符移解牒者杖六十注云謂未入所司而

有本案者謂未入曹司之閒而卽誤致  
毀者關刺律雖無文亦與符移同罪

私發官文書印封

諸私發官文書印封視書者杖六十制書杖八十若密  
事各依漏泄坐減二等卽誤發視者各減二等不視者  
不坐

疏議曰

官司行下文書多有封印而有私發印封視

泄坐減二等職制律漏泄大事應密者杖一百若密事各依漏  
泄坐減二等職制律漏泄大事應密者杖一百若密事各依漏  
者各減二等謂誤發因視制書杖六十官文書各四  
十大事應密視者杖一百上減二等杖八十不視者不  
大事視者杖一百上減二等杖八十不視者不  
坐謂初雖誤發終執顛離不視書者無罪

主守官物亡失簿書

諸主守官物而亡失簿書致數有乖錯者計所錯數以

主守不覺盜論其主典替代者文案皆立正案分付後人違者杖一百並去官不免

**疏**諸主守官物而亡失簿書致數有乖錯者計所錯數以主守不覺盜論**議曰**凡是官物皆立簿書主守之故遂令物數乖錯者計所錯之數依不覺盜論庫律主司不覺盜者五匹笞二十匹加一等過杖一百二十匹加一等罪止徒二年

又云其主典替代者文案皆立正案分付後人違者杖一百注云並去官不免**議曰**謂主典替代所有文案皆須立正案分付承後人違而不付者合杖一百縱雖去官不同名例免法故注云並去官不免

食官私瓜果

諸於官私田園輒食瓜果之類坐贓論棄毀者亦如之

卽持去者准盜論主司給與者加一等彊持去者以盜論主司卽言者不坐非應食官酒食而食者亦准此

**疏**諸於官私田園輒食瓜果之類坐贓論棄毀者亦

如之卽持去者准盜論議曰稱瓜果之類卽雜蔬菜

之內而輒私食者坐贓論其有棄毀之者計所棄毀亦同輒食之罪故云亦如之持將去者計贓准盜論

並毀所費之贓各還官主

又云主司給與者加一等彊持去者以盜論主司卽

言者不坐非應食官酒食而食者亦准此議曰當園

將瓜果之屬給與人食者加坐贓罪一等謂一尺筭三十一匹加一等給與將去者准盜上加一等一尺

杖七十一匹加一等彊持去者謂以威若力彊持將去者以盜論計贓同真盜之法其贓倍徵贓滿五匹者免官若監臨主司自彊取者加凡盜罪二等除名倍贓並依常律主司當卽言告者主司不坐非應食

官酒食而輒食者亦准此謂輒食者坐贓論棄毀者亦同持去者並同監主盜論疆持去者以竊盜論若主司私食次而持去者以盜論疆者依疆盜法

**棄毀官私器物樹木**

毀人碑碣廟主

諸棄毀官私器物及毀伐樹木稼穡者准盜論卽亡失及誤毀官物者各減三等

**疏議曰**

棄毀官私器物謂是雜器財物輒有棄擲毀壞及毀伐樹木稼穡者種之曰稼斂之曰穡誤毀官私器物樹木稼穡者各減故犯三等謂其贓並備償若誤毀失私物依下條例償而不坐

**准**周顯德五年七月七日敕條如有因依讎嫌心生蠹害剝人桑樹致枯死者至三功絞不滿三功及不致枯死者等第科斷

諸毀人碑碣及石獸者徒一年卽毀人廟主者加一等  
其有用功修造之物而故損毀者計庸坐贓論各令修  
立誤損毀者但令修之不坐

**疏議**

喪葬令五品以上聽立碑七品以上立碣塋

徒一年卽毀人廟主者加一等徒一年半其有用功  
修造之物謂樓觀垣塋之類而故損毀者計修造功  
庸坐贓論謂十匹徒一年十匹加一等仍  
令依舊修立若誤毀損者但令修立不坐

停留軍器不輸

棄毀亡  
失備償

諸請受軍器事訖停留不輸者

釋曰輸  
猶納也

十日杖六十

日加一等百日徒一年過百日不送者減私有罪二等

其棄毀者准盜論若亡失及誤毀傷者以十分論亡失  
一分毀傷二分杖六十亡失二分毀傷四分杖八十亡



失三分毀傷六分杖一百卽不滿十分者一當一分論其經戰陣而有損失者不坐儀杖各減二等

**疏**諸請受軍器事訖停留不輸者十日杖六十十日加一等百日徒一年過百日不送者減私有罪二等

其棄毀者准盜論

**議曰**

請受軍器謂鑒甲稍弩弓箭

十日杖六十十日加一等百日徒一年過百日不送者減私有罪二等擅興律私有甲一領流上減二等徒二年半之類其有或棄或毀者准盜論各依盜律盜甲弩者流二千里禁兵器徒二年如此之類並名盜法

又云若亡失及誤毀傷者以十分論亡失一分毀傷二分杖六十亡失二分毀傷四分杖八十亡失三分毀傷六分杖一百卽不滿十分者一當一分論其經

請官器仗若亡

戰陣而有損失者不坐儀仗各減二等議曰請官器  
失及誤毀傷者以十分論謂請百事十事爲一分之  
類若亡失一分或毀傷二分假有請百事亡失十事  
或毀傷二十事各杖六十若亡失二分毀傷四分杖  
入十亡失三分毀傷六分杖一百其分數各與上解  
義同罪止杖一百卽不滿十分者一當一分論謂請  
九事爲九分之類亦杖一百不滿十分者一當一分  
備償其經戰陣而損失者不坐不償儀仗各減二等  
儀仗謂非兵器若有亡失誤毀各依十分之法各減  
軍器罪二等若亡失毀傷罪名  
不等者卽以重法併滿輕法

謂非在倉庫而別持守者

若被彊盜者各不坐不償卽雖在倉庫故棄毀者徵償

謂符印門鑰  
官文書之類

官私器物其有故棄毀或亡失及誤毀者各備償注云謂非在倉庫而別持守者謂倉庫

**疏議曰**官私器物其有故棄毀或亡失及誤毀者各備償注云謂非在倉庫而別持守者謂倉庫之外別處持守而有棄毀亡失及誤毀官私器物始合備償若被強盜各不坐不償雖在倉庫之內若有

故棄毀徵償如法其非可償者止坐其罪不合徵償  
故注云謂符印門鑰官文書稱之類者竇節木契制  
救並是

諸亡失器物符印之類應坐者皆聽三十日求訪不得  
然後決罪若限內能自訪得及他人得者免其罪限後  
得者追減三等官文書制書程限內求訪得者亦如之  
卽雖故棄擲限內訪得聽減一等

**疏**諸亡失器物符印之類應坐者皆聽三十日求訪  
不得然後決罪若限內能自訪得及他人得者免其  
罪限後得者追減三等**議曰**若亡失器物符印之類  
應合罪者未得卽決皆聽三十日求訪限滿不得然  
後決罪若三十日限外得者追減及他人得者免其亡失  
之罪三十日限外得者追減  
三等若已經奏決不合追減

又云官文書制書程限內求訪得者亦如之議曰官書及制書程限內求訪得者謂曹司執行案各有程限公式令小事五日程中事十日程大事二十日程徒罪以上獄案辯定後三十日程共制敕皆當日行下若行下處多事須鈔寫依公式令滿二百紙以下限二日程每二百紙以上加一日程所加多者不得過五日敕書不得過三日若亡失各於此限內訪得者亦得免罪限外得者坐如法然制敕事重程限一日如有稽廢得罪不輕若許以三句追訪稽者皆須注失所以不與亡失器物同例若官文書制書事已行訖無程者亦依三十日為限

又云即雖故棄擲限內訪得聽減一等

**議曰**

器物符印之類

以下雖有規避而故棄擲限內訪得者聽減本失罪一等

地內得宿藏物

得闌遺物

諸於他人地內得宿藏物隱而不送者計合還主之分

坐贓論減三等

若得古器形制異而不送官者罪亦如之

**疏議曰**

謂凡人於他人地內得宿藏物者依令合與地主中分若有隱而不送計應合還主之分

坐贓論減三等罪止徒一年半注云若得古器形制異而不送官者謂得古器鍾鼎之類形制異於常者

依令送官酬直隱而不送者即准所得之器坐贓論減三等故云罪亦如之

**問曰**

官田宅私家借得令人佃食或私田宅有人借得亦令人佃作人於中得宿藏各合若為分財

**答曰**

見藏在地中非可預見其借得官田宅者以見住

之主中分其人為主若作人及耕犁人得者合與佃住人得者合與本主中分借得之人既非本主又不施

功不合得分

諸得閑遺物滿五日不送官者各以亡失罪論贓重者

坐贓論私物坐贓減二等

**疏議曰**

得閑遺之物者謂得寶印符節及雜物之類即須送官滿五日不送者各得亡失之罪贓

重者謂計贓重於亡失者坐贓論罪止徒三年私物坐贓論減二等罪止徒二年其物各還官主

**准**捕亡令諸得闕遺物皆送隨近縣在市得者送市司其金吾各在兩京巡察得者送金吾衛所得之物皆懸於門外有主識認者檢驗記責保還之雖未有案記但證據灼然可驗者亦准此其經三十日無主識認者收掌仍錄物色目榜村坊門經一周年無人認者沒官錄帳申省聽處分沒入之後物猶見在主來識認證據分明者還之

**准**廐牧令諸官私闕遺馬騾牛驢羊等直有官印更無私記者送官牧若無官印及雖有官印復有私記者經一年無主識認卽印入官勿破本印並送隨近牧別羣牧放若有失雜畜者令赴牧識認檢實印

作還字付主其諸州鎮等所得闕遺畜亦仰當界內訪主若經二季無主識認者並當處出賣先賣充傳驛得價入官後有主識認勘當知實還其價

**准**雜令諸公私竹木爲暴水漂失有能接得者並積於岸上明立標勝於隨近官司申牒有主識認者江河五分賞二分餘水五分賞一分限三十日無主認者入所得人

**准**軍防令諸闕遺得甲杖皆卽輸官

**准**軍部式諸收獲破賊及闕遺器仗等並申省隨狀處分納近便庫如有不堪用者卽須毀卻任充當處修理軍器用

違令及不應得為而為

諸違令者笞五十謂令有禁制而別式減一等

**疏議曰**令有禁制謂儀制令行路賤避貴去避來之類此是令有禁制律無罪名違者得笞五十

別式減一等謂禮部式三品以上服紫五品以上服朱之類違式文而著服式者笞四十是名別式減一

等物仍沒官

諸不應得為而為之老笞四十謂律令無條事理重者

杖八十

**疏議曰**雜犯輕罪觸類尤輒論輒上一字多金科玉條包羅難盡其有在律在令無有正條若不

輕重相明無文可以比附臨時處斷量情為罪庶補遺闕故立此條情輕者笞四十事理重者杖八十



重詳定刑統卷第二十七